

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијски савјет*

**Z A K L J U Č A K**

**Prijava koncentracije privrednog subjekta AMC Networks Central Europe Kft.,  
Budimpešta, Republika Mađarska**

**Sarajevo,  
oktobar, 2015. godine**



Broj: 02-26-1-033- 6-II/15  
Sarajevo, 26.10.2015.godine

Na osnovu člana 25. stav (1) tačka e), člana 42. stav (2), a u vezi s čl. 12. i 14. Zakona o konkurenciji («Službeni glasnik BiH», br. 48/05, 76/07 i 80/09), a rješavajući po Prijavi koncentracije privrednog subjekta AMC Networks Central Europe Kft., Lomb utca 23-27, Budimpešta, Republika Mađarska, Konkurencijsko vijeće Bosne i Hercegovine, na 111. (stotinujedanaestoj) sjednici održanoj dana 26.10.2015. godine, donijelo je

### **ZAKLJUČAK**

1. Odbacuje se Prijava koncentracije privrednog subjekta AMC Networks Central Europe Kft., Lomb utca 23-27, Budimpešta, Republika Mađarska i privrednog subjekta OBN JV B.V., Koningin Wilhelminaplein 2, Amsterdam, Kraljevina Holandija, radi nepostojanja obaveze prijave koncentracije u smislu člana 14. stav (1) Zakona o konkurenciji.
2. Ovaj Zaključak bit će objavljen u «Službenom glasniku BiH», službenim glasilima entiteta i Brčko distrikta Bosne i Hercegovine.

### **O b r a z l o ž e n j e**

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, dana 01.10.2015. godine pod brojem: 02-26-1-033-II/15, Prijavu koncentracije (u daljem tekstu: Prijava) privrednog subjekta AMC Networks Central Europe Kft., Lomb utca 23-27, Budimpešta, Republika Mađarska (u daljem tekstu: Podnosilac prijave ili AMC Central Europe), podnesenu po advokatu Mirna Milanović-Lalić, Fra Anđela Zvizdovića 1, 71000 Sarajevo i privrednog subjekta OBN JV B.V., Koningin Wilhelminaplein 2, Amsterdam, Kraljevina Holandija (u daljem tekstu: OBN JV ili ciljno društvo).

Podnosilac prijave je dopunio Prijavu dana 02.10.2015. godine, podneskom broj: 02-26-1-033-1-II/15.

Dana 07.10.2015. godine, Konkurencijsko vijeće je dopisom broj: 02-26-1-033-2-II/15, uputilo Podnosiocu prijave zahtjev za uplatom administrativne takse na Prijavu, nakon čega je Podnosilac prijave dopisom zaprimljenim pod brojem: 02-26-1-033-3-II/15 dostavio potvrdu o uplaćenju administrativnoj taksi.

Uvidom u podnesenu Prijavu Konkurencijsko vijeće je utvrdilo da je ista uredna i kompletna, u smislu člana 30. stav (1) Zakona o konkurenciji (u daljem tekstu: Zakon) i čl. 9. i 11. Odluke o načinu podnošenja prijave i kriterija za ocjenu koncentracija privrednih subjekata («Službeni glasnik BiH», broj 34/10), te je Podnosiocu prijave izdalo Potvrdu o kompletnoj i urednoj prijavi, u smislu člana 30. stav (3) Zakona, 26.10.2015. godine aktom broj: 02-26-1-033-4-II/15.

Podnosilac prijave je naveo, u smislu člana 30. stav (2) Zakona, da nije podnesen zahtjev za ocjenu koncentracije nekom drugom tijelu za konkurenciju izvan teritorije Bosne i Hercegovine.

Konkurencijsko vijeće u postupku ocjene Prijave je utvrdilo slijedeće činjenice:

Predmetna prijava je podnesena, u smislu člana 16. stav (1) Zakona (pravni osnov Ugovor o kupoprodaji (...)\*\*<sup>10</sup>% osnovnog kapitala društva OBN JV B.V.).

### ***1. Učesnici predmetne koncentracije***

Učesnici predmetne koncentracije su privredni subjekt AMC Networks Central Europe Kft., Lomb utca 23-27, Budimpešta, Republika Mađarska i privredni subjekt OBN JV B.V., Koningin Wilhelminaplein 2, Amsterdam, Kraljevina Holandija.

#### ***1.1. Privredni subjekt AMC Networks Central Europe Kft.***

Privredni subjekt AMC Networks Central Europe Kft., Lomb utca 23-27, Budimpešta, Republika Mađarska (društvo sa ograničenom odgovornošću) je registrovan pri Privrednom registru Republike Mađarske pod registarskim brojem: 01-09-183155 dana 31.01.2014 godine.

Podnosilac prijave je indirektno zavisno društvo privrednog subjekta AMC Network Inc., američke kompanije aktivne na tržištu zabave, sa sjedištem na adresi 11 Penn Plaza, New York, Sjedinjene Američke Države (u daljem tekstu: AMC).

Privredno društvo AMC je listirano na New York NASDAQ berzi pod nazivom AMCX.

Privredno društvo AMC posjeduje američke kablovske kanale AMC, IFC WE TV, Sundance TV, filmski teatar IFC Center u New Yorku, kao i nezavisnu filmsku kompaniju IFC Films.

Pored navedenog, globalna divizija AMC-a, AMC Networks International, je međunarodna medijska kompanija, distributer kanala, sadržaja i video servisa. AMC Networks International posjeduje i upravlja slijedećim TV kanalima: AMC, Sundance Channel, SPORT 1, TV Paprika, Spektrum, Jim Jam, Extreme Sports Channel, Minimax, itd.

Privredni subjekt AMC Central Europe trenutno posjeduje 40% udjela u vlasničkoj strukturi privrednog subjekta OBN JV. Pored vlasničkog udjela u privrednom subjektu OBN JV i indirektno u privrednim subjektima „GRP Media“ d.o.o. Sarajevo i „OBN“ d.d. Sarajevo, Podnosilac prijave ne posjeduje više od 10,0% vlasničkih udjela u osnovnom kapitalu, odnosno 10,0% prava glasa u nekom privrednom subjektu, tj. nema druga registrovana povezana društva na teritoriji Bosne i Hercegovine.

#### ***1.1.1. Privredni subjekt OBN JV B.V.***

Privredni subjekt OBN JV B.V., Koningin Wilhelminaplein 2, Amsterdam, Kraljevina Holandija je holding kompanija, upisan u registar privrednih društava Privredne komore Kraljevine Holandije, dana 09.03.2011. godine pod registarskim brojem: 52231429, sa osnovnim kapitalom od 35.204,94 KM (18.000,00 EUR).

Osnovna registrovana djelatnost privrednog subjekta OBN JV je djelatnost finansijskih holding kompanija.

U privrednom subjektu OBN JV, g. Ivan Čaleta posjeduje 60% dionica istog, dok Podnosilac prijave posjeduje 40% dionica u privrednom subjektu OBN JV.

---

<sup>1</sup>(...)\*\*- Podaci predstavljaju poslovnu tajnu, u smislu člana 38. Zakona o konkurenciji.

Privredni subjekt OBN JV posjeduje 100% udjela u privrednom subjektu „GRP Media“ d.o.o. Sarajevo sa registrovanim sjedištem na adresi Humska 1, Sarajevo, Bosna i Hercegovina (u daljem tekstu: GRP Media), pri čemu privredni subjekt GRP Media posjeduje 100% udjela u privrednom subjektu „Open Broadcast Network“ d.d. Sarajevo, Humska 1, Sarajevo Bosna i Hercegovina (u daljem tekstu: OBN).

#### ***1.1.1.2. Privredni subjekt „GRP Media“ d.o.o. Sarajevo***

Privredni subjekt „GRP Media“ d.o.o. Sarajevo, Humska 1, 71000 Sarajevo, Bosna i Hercegovina je registrovan u Općinskom sudu u Sarajevu, pod matičnim brojem: 65-01-0773-11, sa upisanim osnovnim kapitalom u iznosu od 52.000,00 KM, osnovan od privrednog subjekta LGE Extra I B.V., Boeingavenue 53, 1119PE Schiphol, Amsterdam, Kraljevina Holandija sa osnivačkim udjelom od 100% u osnovnom kapitalu.

Pretežne registrovane djelatnosti privrednog subjekta GRP Media su distribucija filmova, videofilmova i televizijskog programa, prikazivanje filmova, pružanje usluga satelitske telekomunikacije i žičane telekomunikacije, itd.

#### ***1.2.1. Privredni subjekt „OBN“ d.d. Sarajevo***

Privredni subjekt „Open Broadcast Network“ Dioničko društvo Sarajevo, Humska 1, Sarajevo Bosna i Hercegovina je registrovan u Općinskom sudu u Sarajevu, pod matičnim brojem: 1-21591, sa upisanim osnovnim kapitalom u iznosu od 50.000,00 KM.

Pretežne registrovane djelatnosti privrednog subjekta OBN su proizvodnja filmova, videofilmova i televizijskog programa, distribucija filmova, videofilmova i televizijskog programa, emitiranje radijskog, emitiranje televizijskog programa, pružanje usluga satelitske telekomunikacije i žičane telekomunikacije, itd.

OBN je televizijski kanal koji se emituje u Bosni i Hercegovini, orjentisan prema prikazivanju informativnog programa (vijesti) i zabavnog programa.

Privredni subjekt OBN JV je u vlasništvu g. Ivana Čaleta od 2003. godine, a 2011. godine privredni subjekt AMC Central Europe (putem svog povezanog društva) je stekao 40% udjela u vlasničkoj strukturi privrednog subjekta OBN JV. Nakon sticanja 40% udjela u vlasničkoj strukturi privrednog subjekta OBN JV od strane Podnosioca prijave, privredni subjekt OBN JV je ostao pod pojedinačnom kontrolom g. Ivana Čaleta, shodno čemu g. Ivan Čaleta ima indirektnu pojedinačnu kontrolu nad privrednim subjektima GRP Media i OBN.

Privredni subjekt OBN nema povezana društva.

## ***2. Pravni osnov i oblik predmetne koncentracije***

Pravni osnov koncentracije je Ugovor o kupoprodaji (..)\*\*% ((..)\*\* procenata) osnovnog kapitala društva OBN JV B.V. (u daljem tekstu: ugovor) i Ugovor dioničara, zaključeni dana 18. septembra 2015. godine, prema kojim privredni subjekt AMC Central Europe (kupac), stiče (..)\*\*% emitovanog osnovnog kapitala privrednog subjekta OBN JV, tj. (..)\*\* dionica u emitovanom osnovnom kapitalu privrednog subjekta OBN JV, numerisanih od (..)\*\* do (..)\*\* uključujući i taj broj, nominalne vrijednosti (..)\*\* EUR po dionici u vlasništvu g. Ivana Čaleta (prodavca).

Nakon provođenja koncentracije, Podnosilac prijave će imati (...)\*\*\*% dionica privrednog subjekta OBN JV, samim tim i isključivu kontrolu nad istim i indirektnu pojedinačnu kontrolu na privrednim subjektima GRP Media i OBN.

U skladu sa članom 12. stav (1) tačka b) Zakona pravni oblik koncentracije predstavlja sticanje kontrole ili prevladajućeg uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata na drugi način u skladu sa odredbama Zakona.

### **3. *Pravni okvir ocjene koncentracije***

Konkurencijsko vijeće u provedbi postupka ocjene predmetne koncentracije je primijenilo odredbe Zakona, Odluke o utvrđivanju relevantnog tržišta («Službeni glasnik BiH», br. 18/06 i 34/10), te Odluke o načinu podnošenja prijave i kriterijima za ocjenu koncentracija privrednih subjekata («Službeni glasnik BiH», broj 34/10).

### **4. *Relevantno tržište predmetne koncentracije***

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište u proizvodnom smislu obuhvaća sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne osobine, kvalitet, uobičajenu namjenu, način upotrebe, uslove prodaje i cijene.

Nadalje prema članu 5. Odluke o utvrđivanju relevantnog tržišta, relevantno tržište u geografskom smislu obuhvaća cjelokupnu ili dio teritorije Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Podnosilac prijave je kao relevantno tržište naveo, tržište proizvodnje i emitovanja TV kanala, obzirom da je privredni subjekt OBN JV kroz povezano društvo OBN aktivno u Bosni i Hercegovini na tržištu emitovanja TV programa.

Na osnovu djelovanja privrednog subjekta OBN JV kao relevantno tržište predmetne koncentracije u geografskom smislu je utvrđeno područje Bosne i Hercegovine.

Slijedom iznesenog relevantno tržište predmetne koncentracije je pružanje usluga proizvodnje i emitovanja TV kanala u Bosni i Hercegovini.

#### **4.1. *Analiza relevantnog tržišta predmetne koncentracije***

Učesnici koncentracije privredni subjekt AMC Central Europe i privredni subjekt OBN JV (putem povezanog društva OBN) na relevantnom tržištu proizvodnje i emitovanja TV kanala u Bosni i Hercegovini za 2014. godinu imaju slijedeće tržišne udjele:

Tabela 1.

R.b.	Privredni subjekt	Tržišni udjel
1.	BHRT	(..)**%
2.	RADIO TELEVIZIJA FBIH	(..)**%
3.	JP RTRS BANJA LUKA	(..)**%
4.	<b>OBN JV</b>	<b>(..)**%</b>
5.	HAYAT	(..)**%
6.	PINK BH COMPANY	(..)**%
7.	RTV BN	(..)**%
8.	JP „TELEVIZIJA KANTONA SARAJEVO	(..)**%
9.	ALTERNATIVNA TELEVIZIJA	(..)**%
10.	JP RADIO TELEVIZIJA TUZLANSKOG KANTONA	(..)**%
11.	FACE TV	(..)**%
12.	JP RTV UNSKO-SANSKOG KANTONA	(..)**%
13.	RADIO TELEVIZIJA MOSTAR	(..)**%
14.	RTV JP ZENICA	(..)**%
15.	TV ALFA	(..)**%
16.	<b>AMC</b>	<b>(..)**%</b>
17.	Ostali	(..)**%
UKUPNO		100,00%
<b>Ukupno (4+16)</b>		<b>(..)**%</b>

Izvor: podaci iz Prijave (LRC Inženjering d.o.o.), tržišni udjeli izračunati na osnovu ukupnog prihoda učesnika koncentracije i konkurenata u 2014. godini

Na osnovu podataka (Tabela 1.) učesnici koncentracije, u 2014. godini, na relevantnom tržištu proizvodnje i emitovanja TV kanala u Bosni i Hercegovini su imali udio od (..)\*\*%.

### 5. Ocjena prijave koncentracije

Obaveza prijave koncentracije nastaje, u smislu odredbe člana 14. stav (1) Zakona, kada učesnici koncentracije prodajom roba i/ili usluga ostvare na svjetskom tržištu 100.000.000,00 KM po završnom računu u godini koja je prethodila koncentraciji, i kada ukupni godišnji prihodi svakog od najmanje dva privredna subjekta učesnika koncentracije ostvareni prodajom roba i/ili usluga na tržištu Bosne i Hercegovine iznose najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

Ukupni godišnji prihodi privrednih subjekata učesnika koncentracije (i povezanih privrednih subjekata), na dan 31. decembra 2014. godine:

Tabela 2.

KM	AMC	OBN JV	GRP Media	OBN
<b>Svijet</b>	(..)**	(..)**	(..)**	(..)**
<b>Bosna i Hercegovina</b>	(..)**	(..)**	(..)**	(..)**

Izvor: podaci iz Prijave

Privredni subjekt AMC ostvaruje prihode u Bosni i Hercegovini putem licenciranih naknada za njegove pay TV (plaćene TV) kanale koje plaćaju kablovski distributivni partneri, niti jedan dio AMC-ovog prihoda u Bosni i Hercegovini u 2014. godini nije ostvaren od tzv. nacionalnih i

regionalnih televizija. Veoma mali dio AMC-ovog prihoda u Bosni i Hercegovini u 2014. godini je realizovan kao posrednička provizija od kanala trećih lica.

Konkurencijsko vijeće je utvrdilo da privredni subjekt AMC trenutno nema zajedničku kontrolu nad privrednim subjektom OBN JV, prema tome prihod privrednog subjekta AMC u privrednom subjektu OBN JV, se ne pripisuje privrednom subjektu AMC u skladu sa pravilima definisanim u Konsolidovanom jurisdikcijskom uputstvu po Uredbi Vijeća Evrope br. 139/2004 o kontroli koncentracija između učesnika (Consolidated Jurisdictional Notice under the EU Council Regulation no 139/2004 on the control of concentrations between undertakings).

Godišnji prihodi učesnika koncentracije (Tabela 2.) predstavljaju ukupne prihode (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterijima za ocjenu koncentracija privrednih subjekata.

Konkurencijsko vijeće je utvrdilo (Tabela 2.) da su učesnici predmetne koncentracije ispunili uslov ukupnog godišnjeg prihoda na svjetskom tržištu, u smislu člana 14. stav (1) tačka a) Zakona, ali nisu ispunili uslov ukupnog godišnjeg prihoda na tržištu Bosne i Hercegovine, u smislu člana 14. stav (1) tačka b) Zakona.

Također, učesnici koncentracije nisu ispunili niti uslov tržišnog udjela jer njihov zajednički tržišni udio na relevantnom tržištu nije veći od 40,0% (Tabela 1.), u smislu člana 14. stav (1) tačka b) Zakona.

Budući da učesnici koncentracije nisu ispunili uslove iz člana 14. stav 1) Zakona ne podliježu obavezi prijave koncentracije.

Uzimajući u obzir izneseno Konkurencijsko vijeće je odlučilo kao u dispozitivu ovoga Zaključka.

## **6. Administrativna taksa**

Podnosilac prijave na ovaj Zaključak, u skladu sa članom 2. stav (1) tarifni broj 108. tačka c) Odluke o visini administrativnih taksi u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu taksu u iznosu od 1.000,00 KM, u korist Budžeta institucija Bosne i Hercegovine.

## **7. Pouka o pravnom lijeku**

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Zaključka.

**Predsjednica**

**mr. Arijana Regoda-Dražić**